

۸ ربیع الآخر سنہ ۱۳۳۶

سال

۲۲ کانون ثانی سنہ ۱۳۳۶

سر محرری : مصطفی فوزی

تاریخ تاسیسی ۱۳۲۷ سنہ ہجری

ہنگامہ اعتباریہ ممالک شامانہ ایچون پشین
اولہرق ۴۰ الی آیلنی ۲۵ غروش و ممالک
اجیبہ ایچون ۱۰ فرانقدر .

جریدہ صوفیہ

شمدیلک ہفتہ دہ بر نشر اولنور

صاحب امتیاز و مدیر مسئول حسن کاظم

ملت عثمانیہ امت اسلامیہ ایچون مفید اولان آثار
محبینہ لر منہ آجبقدر درج ایدلیان اوراق اعادہ ایدلر .

ادارہ خانہ — استانبول باب عالی جوارندہ
ابوالسمود جادہ سی نوسرود ۷۵ اصحاب مراجعاتہ
مرساعت آجبقدر

نومرو ۱۳۳

تصوفی ، دینی ، اخلاقی ، ادبی ، سیاسی جریدہ اسلامیہ در

نسخہ سی ۱ غروشدر

آمل

فلسفه

سر بشر

قال الله تعالى: اذا احببت عبداً كنت له سمعاً وبصراً ویداً ولساناً
فی یسمع وبی یبصر وبی یبطش وبی یتکلم . معنای منینی : بن بر قوله
حبت ایدنجه آنک قولایغی ، کوزی ، الی ودیلی بن اولورم بحم اولان
قول دائماً بنله استماع ایدر ، بنله نظر ایدر ، بنله بطش وحدت ایدر ،
بنله تکلم ایدر الله الله نه بیوک لطف الهی ! اوت جناب رب العالمین
برقولی سودیکی زمان برخطه اولسون نزد الوهیتدن تقرب و تبید
ایتمک ایسته من . ایسته بوراده سر حقیقت ، رمز حکمت بتون مناسبه
تیین و تظاهر ایتمشدر . بیان حقیقت بوندن این دلیل ، بوندن قوی
برهان اوله بیلیرنی ؟ بو آیت کریمه بارگاه کبریا بنه احدیته درجه قریبی
اولان وذات وحدانیت الهیه حق الیقین ادراک ایلان عبادده خطاب
عزیزدرکه او زمره جلیله آنک اجسامی خاکدانی ، اوواشی آسمانی ،
شخصیت وموجودیتلری لامکانیدر . زیرا انلر جاه ظلمانی نفسانیین
چیقهرق عالم علوی نورانی به کبرمشلدر ، حق تعالی وتبارک حضرتلری
نوع نبی بشری ظلمتده خلق ایدرک نور ذاتی الهیسنندن اوزرلرینه
نشر ایتمدی . فقط هرکس کنیدی ، استعداد وقابلیته کوره اونور معززک
تجلیسنندن بهره باب اولدی (ان الله خلق الخالق فی ظلمة ثم یرش علیهم
من نوره) حدیث شریفی بومعناهی متضمندر . خلاصه : خلقت انسان
نور الهی ومایه روح ربانی ایله بمزوج ومحرردر . جناب حق (ونفخت
فیه من روحی) بیوربورکه کافه ارواحک روح ذات الهیسنندن نفخ
بیورلدیفته اشارتدو ، ایسته انسانک جوهر حقیقی ده بودر ،
بوعبرتسرای کائناتده هرشی فنا پذیر وقابل زوالدر . صفت بقا
آنحق لازمال اولان حضرت الله مختصدر . اساساً منظور اولان حقائق
اشیا ذات حقندن غیری دکلددر . ذات حق بر حقیقت مطلقدرکه احاطه
ذاتی سبحانه بایلمه ارواح واشباحه . کافه مناظر ومظاهر شاملدر .
(وهوکل شیء محیط) هرشی ، هر زره صفت حقه قائمدر . جناب
حقه کس قریب ایتمک ایچون صفت باطله ، نفسانییدن بالکلیه تجرد
وامری ایتمک وسائله توسل ایلمک لازمدر .
وقتاکه ظلمت کثرت رفع اولور ، متعاقباً شمس وحدت طوفار .
اوزمان حق ظاهر باطل ایسه محو و زائل اولور . چونکه : حق ایله
باطل ، الضدان لایجتعماندر مخلوقات سائر به نسبتله ممتاز وسرفراز
اولان انسانک مراتب معنویه سی بک علویدر . ترکیبات جسمانیه بشر
نظر حقیقت بین ایله تدقیق وتحلیل ایدیله حک اولورسه ، کاشانه دلده
مضمحل اولان نور لاهوتک برتوفشان وبارقه نثار اولدینی کوریلور .
مقصد اصلی اولان ده جستجوی حقیقتله اونور مقدسی بولهرق ساحه
بدهات وعلائیه جبقارمقدر .

قلعه الطائیه ل : احمد منیب الرفاعی

السان بوعالم امکانده یاشامق ایچون برآمل تمقینه عبور وبوآمل
موجود اولادقجه حیاتک لذت طبیعیه سنندن نصیبه دار اوله مایه جنی
ارباب فهم وشعور زنده غیر مستوردر . مقلوب آلم یعنی بادی
آمده مورت اندیشه وغم اولسه ببله قیجه اعتباریه صفای وجدانی
ذوق روحانی مستلزم برسر اعجازکارینک حکم وتاثیرنده مستردر .
آملسر برایش هیچ بروقت ساحه فعلیانه تمیز ، امیدسر برغایه هیچ
بر نقطه ده تمرکز ایدمن . آمل حیات انسانیه ک مایه القوامی ،
بشریک تأمین استراحت و آرامی اولق و احوال روحیه ذاتیه ک
مدارتم انجلاسی بولونق اعتباریه شبایان اهمیت زمانیهی حازدر .
هر مسئله حیاتی و اجتماعی ده تاثیر کلیسی اولان آمل ، هر انسان ایچون
بیلنمی لازم اولان قدرت فاطره ک ، شئونات طبیعیه ک ، حقائق
مدنیه ک تعیین و تبیین لدنیسانم خادم اوله جنی ایچون بک مهمدر .
آمل بر قوه غدائیه حیات افزادرکه آندن نواله جن فیض ومعرفت
اولادق بر فرد تصور اولنه من . آملک دائره احاطه سی بک واسع وجهت
جامعه سی اعتباریه تاثیرات مادیه و معنویه سی بک ساطع و نافعدر آنک
ایچون آملک جوهر اصلیه بک قیمتدار ولامعدر . نسخه نادره آمل ،
هر انسانده هوجود برودیه رب ودودو بر خاصه ممتاز حکمت نمود
اولدینی ایچون حشاکه بر اثر قدرت افزوددر . غنچه دلارای آمل ،
حدیقه بشریتده کثایشیاب لطافت اولدقجه تاثیرات خارجیه دن آزاده
بخی طراوت طبیعی سی خللدن وارسته قاله جنی بدهتمدهدر . انسان
طبعا صاحب ثروت وسامان ، حائر نصاب کالات وعرفان اولق ایستد .
بوتجلیات وفیوضیاته مظهریتی تسیر ایچون بر سائق آرانیرسه اوده
آملدن هجارتدر . آنک ایچون انسانک التزام ایدمچی مسلکده تعقیب
ایله بکی غایه بکانه املدر . از جمله بر مأمور غیرتشبهارک ملازمه ویا
موظفا بر قلمه دوامه باشلادیی آنده الیوکسک مقاماته ، الی عالی مناصبه
ارتقاسی ، الی یوجه سویه اعتلاسی ایچون پرورده ایدمچی آمل ،
کمال صداقتله و بر حسن وطنپرورانه ایله خدمت شرطله - دم بدم
نمره دارو بو خدمات وطنیه ومساعی ، مصروفه سنک منتج موفقیات اولدینی
کورن او مأمور وایه دار فخر بی شمار اولور وطالب علم و عرفان اولان
هر فرد ذی اذعان بر مکتبه ، بر مدرسه به دوامه باشلادیی دقیقه دن اعتباراً
متبحرین جهان . کلین زمان اولق اوزره ازل و جان صرف مساعی
واقفام فراوان ایتمک هوس و آرزوسنه مغلوبدر . ایسته بو آرزو
سرنامه مقال اتخاذ ایدیکمز آملک مقتضیاتیدر . شوقدرکه طول آمل ،
بر طاقم حزن و طمی داعی واضطراب قلبی مؤدی اوله جنی ایچون
غیر مشروع و مقدور حد بنه علیه بسیلنه حک آمل اعتدال دائره سنده
جریان ایدر ایسه البته مقبول ومردوح اولور .

قسطونی ولا یح مکتوبیسی احمد لطیف